

ձարտուկ ձանձկէնը, որի համար պատերազմ ծագեց Պարսից և Հայոց մէջ<sup>1</sup>, և որը, եթէ Քաջանց վէպում «Թուր Կէճակի» հետ միասին յիշուած «Բող ձին Արակիին» չէ, անշուշտ մեր Ջոջանց տան մի փոփոխակում «Քուսիկ Ջալալու» հետ անմիջապէս յիշուած «Բողբէ-Դաւին»<sup>2</sup> է (№ 6, էջ 523<sup>2</sup>): Այս երեք անուններից վերջինը նշանակում է սպիտակ, պիտակաւոր կամ խայտեր ունեցող ձի, որ յատուկ է Քաջերին<sup>3</sup> և Քաջքերին<sup>4</sup>, ուրեմն և Քաջանց տան դիւցազներ Ջիւան շահ—Տիրան Բ.—ին և Շիրին շահ—Արշակ Բ.—ին:

Բայց ինչ է նշանակում ձալալի կամ Ջալալի Քուսիկի ձին: Այդ անունով մի քուրդ ցեղ այժմ էլ բնակուում է Հայաստանում, որքան մեզ է յայտնի, Մասիսի շուրջը. և որովհետեւ քուրդերը յայտնի են իրանց ձիասիրութեամբ, լաւ նժոյգներով, որոնց ցեղաբանութիւնը պահուում է թղթով սերունդէ սերունդ, ուստի Քուսիկ ձալալի կարող է նշանակել այդ ցեղի ձի, ինչպէս ասում են արաբական, անգլիական ձի և այլն: Պէտք է կարծել, որ Քուսիկի Ջալալին յիշուել է և Քէօն-Օղլու դիւցազներգութեան մէջ, ուստի

1. Փ. Բուզանդ, Գ. Ի.—ԻԱ. էջ 49—58. Վենետիկ 1889.

2. Այս ձին «Բող-Բէդաւին» յիշուում է Ասլան աղայի ժողովրդական երգում (Գարեգին սարկ. Յովսէփեանց «Փշրանքներ» ժողովրդական բանահիւսուածքներից էջ 5—9. Թիֆլիս 1895). եւ «Մոկաց Միրզէն» երգում «Բող-Դիդաֆին» անունով (Անդ, էջ 49): Երկու ձին էլ մի աւելի հաստատուն ապացոյց են Արշակ Բ.-ի Քէօն-Օղլին լինելուն: Ինչպէս Քէօն-Օղլին բացի Արաթից ունի եւ մի Բ.-ը Արաբաթ կամ Գորաթ. այնպէս էլ Արշակ Բ.-ի հայր Տիրան Բ.-ը պիտի ունեցած լինի, որ սակայն Խորենացին վերադրում է Տիրան Ա.-ին (Խորեն. Բ. ԿԲ): Դատար. Դատարէ, Դատարէն նախարարի անունը. որ յիշուում եւ Բուզանդում Խոսրով Բ.-ի ժամանակ եւ երկուսի մէջ էլ Բզնունի է կոչուում, Գիդաֆին է, ինչպէս որ Տատեանք—Տատեանքը (Խորեն. Բ. ԿԲ, 140) փոխուել է Տէատէն (Ալիշան, Այրարատ, Ի, § 209. էջ 517): Արաթը հաւանորէն Տրդատ—Արտաշէսի «սեաւ գեղեցիկ» ձին է. ինչպէս որ Թուր կէճակին կամ Հաւլունի սուրբ. որ յիշուում է եւ Դաշանց թղթում, նորանն է. ապա անցած Տրդատ Մեծին եւ իւր յաջորդներին. բայց այս մասին այլ տեղում:

3. Ատենահաս Ս. Աարգիսը սպիտակ կամ բոզ ձի ունի: Վասակ սպարապետի որդի Մուշեղ Մամիկանեանն էլ «ձերմակածի» է (Բուզանդ, Ե. Բ. 194. Վենետիկ 1889. Հմմտ. Մետրոպ երէց. Պատմ. մնացորդաց Հայոց եւ Վրաց, Ե. էջ 87—88 Մադրաս 1773. Սոփերը 2. ԺԱ. էջ 70. Վենետիկ 1855).

4. Սերէոս, Պատմ. Գ. Գ. էջ 58. Ս. Պետերբ. 1879.